

FORA LE TOLE

1. Quando la neve imbianca le nostre zime:
al S'ciara, la Gusèla e 'l Visentin,
e 'l Serva in mez a lor l'è là pojà:
ne dise che l'inverno l'è rivà.

**Fora le tole da le sofite,
rusach in spala, boracia al col
piena de sgnapa e de vin bon.**

2. Quando che 'l sol al slùsega su la nevèra
e 'l brusa le fazade dei nostri fioi,
te i vede vègner dó da Faverghera
e i 'riva in Nevegal come canói.

**Fora le tole da le sofite,
rusach in spala, boracia al col
piena de sgnapa e de vin bon.**

3. Quando che 'l sol al torna su, in primavera
e tuta la nevèra al fa destar,
la croda torna bèla come l'èra:
la ciama tuti i sói a 'rampegar.

**Fora le corde da le sofite,
rusach in spala, boracia al col
piena de sgnapa e de vin bon.**